

# UPM sedia bas percuma untuk 400 pelajar

**SERDANG** - Pusat Pengurusan Wakaf, Zakat dan Endowmen (Wazan) Universiti Putra Malaysia (UPM) menyediakan sembilan bas untuk membawa 400 pelajar asnaf pusat pengajian itu ke kampung halaman masing-masing di seluruh Semenanjung Malaysia secara percuma, Jumaat lalu.

Program yang diberi nama Jom Balik Raya bersama Wazan itu memperuntukkan RM20,000 bagi menaja sembilan bas berkenaan.

Naib Canselor UPM, Prof Datin Paduka Datuk Dr Aini Ideris berkata, perkhidmatan tersebut diharap dapat mempermudahkan golongan pelajar asnaf UPM untuk pulang beraya ke kampung halaman masing-masing.

“Saya bagi pihak universiti mengu-

capkan selamat pulang ke kampung halaman kepada para pelajar untuk menyambut lebaran bersama keluarga tersayang,” katanya pada majlis pelepasan sembilan bas berkenaan di UPM.

Sementara itu, seorang pelajar, **Muhammad Faiz Abdul Fattah** berkata, program tersebut patut diadakan pada setiap tahun menjelang akhir Ramadan.

“Saya rasa terharu kerana pelbagai bantuan kewangan disediakan Wazan UPM untuk pelajar yang kurang berkemampuan,” katanya yang akan pulang ke Sungai Petani, Kedah.

**Wan Noratiqah Zulkifli**, pelajar yang akan pulang ke Pasir Mas, Kelantan berkata, program tersebut juga membantu meringankan kos pengangkutan ramai pelajar.



Sebahagian daripada 400 pelajar asnaf UPM dapat pulang beraya di kampung halaman masing-masing secara percuma tajaan Wakaf UPM melalui program Jom Balik Raya.